



С А Р А Ј Е В О

PRIMLJENO: 11-08-2022

Organizaciona jedinica	Klasifikaciona oznaka	Redni broj	Broj priloga
01-	50-1-	1347/22	

Broj:
Sarajevo, 11.08.2022. godine

ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
ПРЕДСТАВНИЧКИ ДОМ

n/r predsjedavajućeg, gđin. Nebojša Radmanović

Na osnovu člana 166. i 170. Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20 i 53/22), podnosim predsjedavajućem Vijeća ministara Bosne i Hercegovine i ministrici civilnih poslova Bosne i Hercegovine sljedeću

ПОСЛАНИЧКУ ИНИЦИЈАТИВУ

Zadužuje se Vijeće ministara Bosne i Hercegovine da, u roku od tri dana, iz tekuće budžetske rezerve Budžeta institucija BiH i međunarodnih obaveza BiH za 2022. godinu izdvoji iznos od 300.000,00 KM za finansiranje nastupa omladinskih i seniorskih košarkaških reprezentacija Bosne i Hercegovine na međunarodnim takmičenjima.

Образложење

U ponedjeljak 15. augusta 2022. godine ističe posljednji rok za kupovinu avionskih karata za Australiju, kako bi ženska košarkaška reprezentacija Bosne i Hercegovine mogla nastupiti na Svjetskom prvenstvu¹. Za tu svrhu potrebno je hitno izdvojiti 150.000,00 KM. U suprotnom, ako se to ne desi, vrlo je izvjesna eliminacija reprezentacije BiH sa Svjetskog prvenstva. Nije potrebno trošiti riječi na to kakva bi sramota za državu Bosnu i Hercegovinu i za sport u cijelosti bila eliminacija naše reprezentacije sa tako prestižnog takmičenja. Također, dodatni iznos sredstva treba obezbijediti i za učešće naše muške košarkaške reprezentacije na Evropskom prvenstvu koje se održava u septembru², te za naše ostale muške i ženske omladinske selekcije koje nastupaju ovog ljeta na raznim takmičenjima. Podsjećam da je usvojen Budžet institucija BiH i međunarodnih obaveza BiH za 2022. godinu ("Službeni glasnik BiH", broj 42/22). Tekuća budžetska rezerva Vijeća ministara BiH u Budžetu za 2022. godinu nikada nije bila veća, iznosi čak 19 miliona KM i smatram da je opravdano za ovu svrhu izdvojiti iznos od 300.000,00 KM.

S poštovanjem,

Dr. Denis Zvizdić

¹ Svjetsko prvenstvo u košarci za žene održava se od 22. septembra do 1. oktobra 2022. godine u Sidneju, Australija. To će biti naš historijski premijerni nastup na Svjetskom prvenstvu.

² Naša muška seniorska reprezentacija se nalazi u grupi B i svoje utakmice u grupnoj fazi Evropskog prvenstva će igrati u Kelnu, Njemačka od 1. do 7. septembra 2022. godine.